

日勅開神泉苑西北門聽諸人汲水

〔三代實錄清和〕貞觀十七年三月廿八日辛亥勅略中五年三月十五日丁丑宣詔五畿七道諸國云
迺者陰陽寮勘奏狀備檢于卜筮今茲可有天行之災豫能修善可防將來者加以春雨未遍水泉闕乏
思民與歲忘寢與食略下

〔三代實錄清和〕貞觀五年六月十七日戊申越中越後等國地大震陵谷易處水泉涌出壞民廬舍壓死者衆略下

醴泉

〔日本書紀三十持統〕七年十一月己亥遣沙門法員善往真義等試飲近江國益須郡醴泉

〔續日本紀七正〕養老元年八月甲戌遣從五位下多治比真人廣足於美濃國造行宮九月丁未天皇
行幸美濃國丙辰幸當者郡多度山美泉賜從駕五位已上物各有差十一月癸丑天皇臨軒詔曰
朕以今年九月到美濃國不破行宮留連數日因覽當者郡多度山美泉自盥手面皮膚如滑亦洗痛處
無不除愈在朕之躬其驗又就而飲浴之者或白髮反黑或頽髮更生或闔目如明自餘痼疾咸皆平愈
昔聞後漢光武時醴泉出飲之者痼疾平愈符瑞書曰醴泉者美泉可以養老蓋水之精也寔惟美泉卽
合天瑞朕雖痛虛何違天貺可大赦天下改靈龜三年爲養老元年天下老人年八十已上授位一階若
至五位不在授限百歲已上者賜純三疋綿三屯布四端粟二石九十已上者純二疋綿二屯布三端粟
一斛五斗八十已上者純一疋綿一屯布二端粟一石僧尼亦准此例孝子順孫義夫節婦表其門閭終
身勿事縹寡憐獨疾病之徒不能自存者量加賑恤仍令長官親自慰問加給湯藥亡命山澤藏禁兵器
百日不首復罪如初又美濃國司及當者郡司等加位一階又復當者郡來年調庸餘郡庸賜百官人物
各有差女官亦同十二月丁亥令美濃國立春曉挹醴泉而貢於京都爲醴酒也

〔古今著聞集八孝行恩愛〕昔元正天皇の御時美濃國にまづしくいやしきおのこ有けり老たる父を